

# Boxing Day 開騷標冷汗 證實染疫

## 5場演出需延期

### 軒仔深感抱歉

香港文匯報訊 (記者子棠) 張敬軒 (軒仔) 共11場的聖誕

跨年演唱會於本月20日開

鑼, 不過完成26日晚 Boxing Day

演出後, 27日英皇娛樂發公告指軒仔初

步確診新冠, 現按相關防疫規定正接受隔

離, 原定昨晚至明年1月2日的5場表

演場次將延期舉辦, 相關的後續延

期及退款安排將盡快於兩星期內公布,

並已向已購票的觀眾致歉。而軒仔26日晚在演唱

會上也透露過有標冷汗, 不過快測仍是「一線」,

叫大家為他集氣, 沒料到軒仔「一語成讖」!

◆ 歌手好友紛紛留言給軒仔打氣。



◆ 軒仔承諾盡快養好身體, 另擇日子再續這次奇妙的旅程。



◆ 軒仔無奈嘆謂:「避咗三年卒之都係中咗。」

英皇娛樂公告指:「今晚(27日)起已購票觀眾請保留相關場次門票(必須連同票根), 密切留意英皇娛樂官方網站、Facebook及Instagram平台, 相關的後續延期及退款安排將盡快於兩星期內公布。主辦方英皇娛樂集團及張敬軒對是次突發事件為已購票觀眾帶來之不便深感抱歉, 希望張敬軒能盡快康復並能與各位樂迷及觀眾見面。」

#### 「避咗三年卒之中咗」好友獻祝福

抱恙的軒仔在社交平台轉發英皇娛樂發出的公告, 並貼出單膝跪地的鞠躬照, 附圖寫下:「對於餘下5場嘅各位已經購票的觀眾我覺得萬分抱歉, 好多謝大家的嘅支持。知道這呢次有好多朋友遠道而來, 或者特登撲飛, 辜負咗大家一番心意真係好對唔住。我會盡快養好身體, 另擇日子再續呢一次嘅奇妙旅程。亦都要向所有受影響嘅台前幕後各個單位同各界朋友致歉, 多謝大家嘅包容與體諒! 最後, 要再一次多謝過去6場前嚟支持嘅朋友! 大家嗰疫情之中都要身體健康, 平平安安!」軒仔又hashtag一個無奈表情的Emoji指:「#避咗三年卒之都係中咗!」一眾歌手們都深明軒仔的身心之痛, 紛紛留言為軒仔打氣, 特別是同告於明年舉行

演唱會的鄭欣宜、鄭秀文和梁詠琪, 還有過來人今年開騷前確診的張繼聰, 以及蔡卓妍(阿Sa)、林奕匡、關心妍等, 祝軒仔早日康復!

欣宜留言叫軒仔:「喝大量溫水!」Sammi亦留言:「休息好, 祝好好好返!」Gigi提示:「好好休息! Take Care my friend!」阿Sa留言:「Speedy recovery (盡快康復)! 狂瞞覺! 飲多啲水! 食橙!」

#### 會盡快通知歌迷補場安排

26日晚Boxing Day, 軒仔依然落力於舞台上演出, 來到最後還因為觀眾的熱情, 一共安歌三次, 唱完《無能為力》後, 歌迷繼續叫安歌, 又想送禮物, 不過軒仔已不似之前一樣行近歌迷收禮, 只遠遠問:「咩來嘍?多謝每一位朋友, 我好開心呀今晚!我剛剛先知原來今日係公眾假期補假呀?但係會展班同事都要休息啦,我都聲咗,樂隊呢?走埋?哈哈!」觀眾叫他清唱,他再笑道:「不如過年又開啦……哎咁唔會過來收禮物嘍,其實我係唔掂得你哋禮物嘍,我有戴口罩,同理我需要大家今晚返去,無論你咩宗教信仰都好,都為我祈禱,

我有做快測,仲係一條線,但係今晚去到下半场,我一路標冷汗,你哋集合力量幫我,叫張敬軒唔好病好唔好呀?」沒料到軒仔一語成讖,最終都要無奈暫停今次演出。大家都希望他早日康復,演唱會總監馮貽柏表示,大會將盡力協調一切,以軒仔健康為先,同步協調場地日期之後,會盡快通知歌迷補場安排。

#### 疫情下開騷最多歌手

此外,軒仔是2020年爆發疫情後,第一位重返紅館舞台舉行演唱會的歌手;2021年再度開騷,並舉行其首個紅館聖誕跨年演唱會慶祝出道20周年,其間因香港第5波疫情來勢洶洶,為配合政府防疫及隔離措施,原定1月舉行的8場演唱會延至5月舉行,因此與今次《REVISIT》演唱會只相距7個月,一年內開兩次演唱會,亦是在疫情下開騷最多次數的歌手。



◆ 軒仔演出單膝跪地的照片以表致歉。

## 林子祥安歌環節將亞博變的士高

### 葉蒨文主動上台合唱新雞尾歌

香港文匯報訊 (記者子棠) 林子祥 (阿Lam) 26日晚 Boxing Day 在亞洲國際博覽館舉行《林子祥開心演唱會香港站》,全場爆滿,好友紛紛前來捧場與他一起過聖誕,當中包括:朱玲玲和老公羅康瑞、周凱旋、莫文蔚一家、阿Lam兒子林德信、胡楓、羅蘭、林建明、炎明熹和姑丈等, 逼爆前夜台,星光熠熠!成龍、劉德華、張學友、郭富城、李克勤夫婦、容祖兒、楊千嬅夫婦、張敬軒等均有送花籃道賀。

當晚的演唱會是阿Lam之前於世界各地巡迴

演出、2020年準備回港作巡迴最終站;因疫情而延期、相隔3年終於開騷。阿Lam笑謂:「我已經Smile咗三年,笑到梗住;多謝你哋咁遠(亞博)都嚟。最近有新聞,話我哋過度買咗間屋,假News(新聞)!唔好乜都信知唔知。」75歲的阿Lam一口氣唱出37首經典歌毫無難度,但提到三大粉絲無法前來就感觸落淚,他哽咽道:「我同沙麗(太太葉蒨文暱稱)咁多年,咁多演唱會,有三個大粉絲每一個演唱會都會嚟睇,但今晚三個都唔係,就係我媽咪和沙麗父母,今晚演唱會係特別唱畀

佢地聽。」其後阿Lam泣泣唱出《分鐘需要你》,還數度要平伏情緒。阿Lam在表演期間還唱了不少經典電影主題曲,而屏幕就播出他的經典電影場面,合作過的女星有鍾楚紅、繆騫人、張艾嘉、楊紫瓊、關之琳等美女。而沙麗就於最後安歌部分現身,與阿Lam合體大唱上世紀七十年代的士高medley(串燒歌),令現場化身成一個大型的士高,半場人起身又喊又歡呼跳舞,把氣氛推至頂點,阿Lam完騷前不忘祝大家最緊要身體健康。

受訪時,阿Lam補充指媽咪仍健在,只是身體不適在家休息,無法前來,又指觀眾反應很開心令他好滿足,成為是次巡迴的happy ending。談到阿Lam的演出出一百分,沙麗也大讚阿Lam做得好好,踐他驕傲,但就笑着投訴阿Lam未有邀請她做表演嘉賓:「係我夾硬塞自己上台,本來我剩係做和音,睇住佢唱新雞尾歌,跳舞又咁開心,跳得咁好,唔捨得唔跳,就跳埋一份,最緊要開心,憑着愛smile,個個笑住走。」她又透露這個環節是專誠為香港觀眾新加的。



▲ 葉蒨文上台與林子祥又唱又跳。



▲ 莫文蔚與老公及媽媽前來看林子祥演出。



◆ 胡楓、羅蘭、林建明等前來捧場。



◆ 炎明熹穿得十分密實。

## 自爆母親架上墨鏡捧場 陳奕迅鼓勵歌迷型起來

香港文匯報訊 (記者子棠) 陳奕迅 (Eason) 在紅館舉行的演唱會26日晚進入第14場,並於Boxing Day送大禮,順應民意即場清唱《浮誇》!

Eason與觀眾交談時,先把消毒紙巾送給現場觀眾,並透露陳媽媽前一晚聖誕節也有到場欣賞,爆媽咪架上墨鏡及跳舞跳了很久;他還以自己鼓勵大家:「好似跳舞咁,你哋都得嘍,我排舞時同dancers跳,但哋叫我做嘞動作,我覺得自己好核突,所以我排舞唔帶鏡,從來唔知自己跳成點,隻腳又粗額頭又闊……但係既然我都做得,我鼓勵大家,一齊同我跳!記住!做任何事最緊要係有態度!記住!唔好唔型、唔好比韓國人型晒先得嘍!你睇我唱《浮誇》時,佢哋個嘞樣……」然後他扮出一個目瞪口呆樣子。全場即拍掌歡呼贊同,及瘋狂大叫Eason唱《浮誇》!

鑑於觀眾的熱情,Eason笑道:「老實講佢哋(樂隊)冇練過……就當Christmas Special唱幾

句嘍。」接着樂隊用一個琴伴着他清唱了《浮誇》一小段滿足大家。

當晚完騷後觀眾又再「賴皮」不肯離場,Eason再度出場送多首《沙龍》給大家後,預告隨後休息一晚,今日已不再是聖誕節Special Day,演唱會將返回正常軌道。而當晚周秀娜、湯令山及女朋友Moon等亦有來支持。

◆ 周秀娜26日晚也有來捧場。



◆ 陳奕迅鼓勵歌迷做事要有態度。

## 穿六吋高蹺鞋拖鐵箱 李靖筠拍MV連環仆倒

香港文匯報訊 (記者子棠) 李靖筠 (Gladys) 27日推出新歌《00000》,曲風由文青轉為Hip Hop及Trap類型,並指這才是她最喜歡的風格。今次同樣有份參與作曲過程的她還大呼更好玩更輕鬆,作曲過程亦沒有之前咁有壓力;而錄製新歌時,就向日本恐怖電影《咒怨》取經!

她稱創作這首歌時,腦海中浮現出一些低音節拍,都是出現在驚悚電影中的音樂,而錄音期間,又大膽地放入自己的想法:「例如隨心笑、模仿電影《咒怨》嘅聲效等,為歌曲注入更多層次嘅能量,成個過程充滿快感。」

此外,MV中Gladys需要穿着六吋高蹺鞋,拖着鐵箱前進:「其實個鐵箱好重,但係我又要着住對勁高蹺鞋去拖呢個箱,試過有幾次我出盡全身嘍力去拖,跟住唔小心跌手就成個仆咗落地下,哈哈!呢一part印象最深刻。」



◆ 李靖筠透露其實個鐵箱好重。



◆ 李靖筠錄製新歌時,有向電影《咒怨》取經。